


喉科金鑑全書



瀏陽袁仁賢潤齋著

喉科金鑑

後學盧彤敬題



潤齋先生留照



門人羅兆勳敬繪



聞諸古聖人治天下醫藥開其端次以政刑民無天札皞皞如也夫
宰相燮理陰陽調贊元化胥是道矣故陸敬輿筆錄醫方濟人范希
文以良醫自任豈後世輕談醫學者可同年語哉辛亥夏余自都門
旋里偕舊游攬勝清涼山野門人龔生曉嵐出其友人袁潤齋先生
手著喉科金鑰全書請序余忝揆席有慚於陸范罔識岐黃比事屬
辭恐無當序例乃深惟厥旨實恆常共曉之文而爲喉門之特出者
在剖析羣疑汰除庸腐羽翼聖經搜羅典籍分門別類言簡意賅博
約之功具見於此如先生其人者蓋神游於農黃之世而獨造於扁
倉之門者也於戲微已

宣統三年辛亥仲夏月朔元和陸潤庠鳳石氏譔序



古人有言世變道不變運會開文明以啓器用日出日新心思愈用愈靈機緘不可遏世變所爲岌岌乎至若人之秉彝本乎天性五官百骸藏府經絡造於吾身者爲秉彝所僑寓之鄉絲毫不能變易苟云變也必海枯石爛而後已耳神農軒轅各以醫道濟天下內經著涿鹿戰事以起我欲生之彼將殺之是賊風邪氣之流行非正道無以弭其變也故醫學家曰用藥如用兵政治家曰治國如治病知醫學與兵學殊途而理原一貫爾余曩與瀏陽李君春煦交數道其同里有袁潤齋先生以醫學名家不獲一見辛亥夏奉簡學政江南袁先生以手著喉科金鑑一書問叙余以醫藥之事未之學時中西醫院主席者爲瞿公海如咨請校閱極贊其美因三復是書知其學術深邃辭旨明達上下古今蒐羅富有而以兵略簡練調度諸法貫串於其中非蠱知醫書者所能望其肩背也惟先生以普通醫學自命而所出僅喉科一門其意何居今夫在朝有宰執出納王命者王之



喉舌也在天有樞星運動天元者天之喉舌也在地有地中海各國
交通之門戶全球之喉舌也在中國北有津沽爲黃河咽喉南有淞
陰爲長江咽喉是故咽喉之地安危爭於呼吸在天成象在地成形
而在乎人之一身者可不慎歟世變道不變吾將有感於斯文是爲
序

宣統三年辛亥仲夏月江蘇提學使勞乃宣序



喉科金鑑全書自序

是書曷爲而出也醫書中特舉喉科以見意爾一喉科曷爲而稱全書也喉科書世無全本爾曷言乎無全本也世所傳喉科書多主白喉主白喉多主熱證而遺寒證雖舊有喉門七十二證之書白喉闕焉未備故無全書爾全書云何曰實火曰虛火喉痺同虛實不同爾曰熱疫曰寒疫白喉同寒熱不同爾故凡醫科古聖心傳總不外虛實寒熱四字挈領提綱全權在握而治理之千萬法門可從心而化爾醫家古無科目之分周禮天官始有醫師疾醫瘍醫食醫凡四等自張長沙發明靈素三百九十七法無所不包學者誠悉心體會何至以十三科條目各擅專門一本萬殊萬殊原歸一本爾仁家先哲諱鬻公以醫道負盛名乾隆朝江淮大疫鬻至活人無算

上賜神醫二字扁額有醫學一貫藏稿薪傳於茲五世已拾其緒餘所投輒效於是受業同里劉師薪岑得卒諸業迺以軍事游嶺南與



西醫接洽盡辟其謬歸與吾友歐陽藹臣討論喉門證治益精己酉冬就養金陵聞諸旅甯鄉先生僉稱東南地氣卑溼有四大證較難於他端曰痢曰瘡曰驚曰喉爰舉喉科以見意可以例其餘矣仁媿學識麤疎罔合時宜無補於世發箴搜尋遺稿喉科書有曰金鑰者采其菁華分爲四類仍其名曰金鑰全書亦述而不作之意云爾質之方家幸垂教正

宣統三年辛亥仲夏悟真山人自記於金陵旅次



凡例

一是書分四門曰實火門主風火喉痺雙單喉蛾喉癰丹毒等類曰虛火門主陰虛喉痺癆傷天空等類曰熱疫門主白喉熱痺爛喉痧等類曰寒疫門主白喉寒痺真陽虧竭等類

一是書分兩卷上卷列病證現相脈表致病原因辨論藥性調度表鍼灸穴法表咽喉說諦問答辨證詳明然後用藥

一下卷列實火虛火熱疫寒疫四門入首叙病證每門分爲兩隊者內用服藥隊外用吹藥隊有奇必有耦爲主治方略

一主治方略有遵先師成憲者方下標明姓氏有采取時師經驗方者則標明時師字樣有出自家藏祕本由仁考究訂定不見於他書則標明悟真字樣遵古而不戾於今實事求是識者諒之

一白喉忌表挾微一書爲耐修子遵奉洞主仙師而行於世者蓋北方名醫隱其名不欲以小道自顯所治僅白喉熱證一門可爲模

楷他無及焉節取其長仍名其舊爾

一喉科書有並不忌表顯與忌表挾微反對者聚訟紛紛莫衷壹是謹按傷寒論太陽篇誤汗條下原文咽喉乾者不可發汗陳修園註咽喉爲三陰所循之處無太陽表證循行之脈三陰精血虛少不能上滋而乾燥者不可發汗或誤發之命將不全不必再論變證也觀此可爲喉科忌表之鐵證故太陽經表劑書中不錄

一喉科有偶從表散而獲效者不可不詳求其理如風火喉證因感外邪而發其證尙輕經曰火鬱發之可酌用陽明少陽引經藥略從表解如升葛柴前之類是也爛喉痧至通身見疹可知陽明主肌少陽主血則用地芍柴葛之類解肌化毒列方備用如仲聖桔梗湯有開提氣血表散寒邪之義爾

一內外藥隊當用藥料無論貴賤總期易於購取真藥方能奏功若難取辦難修合者均不錄

一 幼科白喉變證前後分爲兩節前一節用理中獲效本是正治後一節下寒上熱扞格中焦醫藥雜投鮮有不敗另立論說爲權宜辦法也

一 調度藥品由神農本草經精選而出爲有本原蓋戰國時人有能爲神農之言者朱子稱爲醫卜之流醫道最古良信

一 喉科經脈按照內經靈素詳查而出本無太陽經脈時醫統言不忌表誤人不少因於鍼灸條下引證詳明瞭如指掌

一 祝由科神符昉自軒轅帝祖並非後人譌造蓋祝其病之所由起也存之以備一格爲臨時救險助鍼灸之不逮云



喉科金鑑全書上卷

瀏陽袁仁賢潤齋編輯

男從功湘樵從勛錫侯
門人善化羅兆勳懋臣

同校

目錄

喉病熱證現相表

喉病寒證現相表

喉病眼目現相表

喉病鼻孔現相表

喉病口唇現相表

喉病實熱脈表

喉病虛寒脈表

喉病經脈循行攷

喉病下寒上熱攷

喉病在氣在血攷

白喉熱證現相表

白喉寒證現相表

白喉危證現相表

白喉邪退現相表



白喉與爛喉痧辨

甘平藥調度表

甘溫藥調度表

喉科鍼灸穴法表

喉科誤表解藥表

咽喉說諦問答

一陰一陽結謂之喉痺論

幼科天乾地漏轉爲白喉證論治

爛喉痧與陰火辨

苦平藥調度表

辛溫藥調度表

喉科禁忌等藥表



喉病熱證現相表

熱證病急起日卽劇
熱證必腫愈腫愈緊
飲水不痛喫飯則痛
口渴飲水多飲者重
虛火實火均有風涎
滿口紅色或是紅絲
舌苔必黃或黃間黑
小便色赤澀而不長

喉病寒證現相表

寒證不痛痛亦不惡
寒證不腫亦有虛腫
寒證不渴飲亦不多

縣雍下垂長而色赤
急痺纏喉痛不能忍
略痛者輕甚痛者重
飲溫者輕飲冷者甚
涎多病重涎少易痊
輕則紅淡重則黑紫
舌燥實邪舌潤假熱
實熱深赤假熱淺黃

時痛時止淹淹不樂
喉內虛大將成天空
飲熱者重飲溫微和



寒證能食不甚思食
寒證色白輕則淡紅
寒有風涎風涎却少
舌苔白色或是黑黃
寒不忌腫滿白無虞
小便清長雖黃而淡
喉病眼目現相表

目有神則吉

目畏風降火以消風

喫飯不痛飲水反痛
縣雍下垂萎而不升
失音動痰危險難療
寒重黑潤寒輕潤黃
久則腐敗色必紫瘀
大便自調下利爲難

目無神則凶

目畏火養陰以制火

喉病鼻孔現相表

火灼肺鼻燥如槁木

鼻潤如常者吉

喉病口唇現相表

脾火伏而唇燥

食傷胃而唇燥

喉病實熱脈表

浮洪表熱浮細熱輕

浮細而數爲風熱

浮弦表裏諸熱

浮數弦長胃氣絕

肺氣絕鼻燥如烟煤
鼻孔煽動者凶

胃氣鬱而唇燥
脾氣絕而唇張

浮數裏熱浮緩熱輕

浮洪而數爲實火

浮而弱者熱輕

熱脈無沈沈而牢實爲實火



喉病虛寒脈表

浮數而緊風寒尙輕

從不弦看出

沈細遲緊無力寒重

從不數看出

遲緊有力表裏諸寒

從不弦不數看出

沈數 浮數 弦緊 有力無力爲胃氣絕

按胃絕脈證與實火相似須從病因形色起居與現在兼有雜證看出用苦寒則死溫補則生

喉病經脈循行攷

十二經脈惟足太陽脈主表別下項餘皆內循於喉足太陰脾脈挾咽足少陰腎脈上通於心循喉臚繫舌本足厥陰肝脈循喉臚之後足陽明胃爲水穀之海其氣直透咽喉而上蒸於肺肺與大腸相表裏是手足陽明之濁氣皆足以犯肺肺之總系卽喉管也手少陽三焦相火挾厥陰心包風木相煽君火亦因

